



SLUŽBENE NOVINE GRADA ZENICA

GODINA LII
Broj 6

Srijeda 26. 8. 2026. godine

ISSN 1840-4588

GRADSKO VIJEĆE

113.

Na osnovu člana 21. t. 26. Statuta Grada Zenica ("Sl. novine Grada Zenica", broj 5/15) i člana 37. Poslovnika Gradskog vijeća ("Sl. novine Grada Zenica", br. 4/17, 4/20 i 10/21), razmatrajući pismo namjere NS/FS BiH br. 02-2164/26 od 12.06.2026. godine, Gradsko vijeće Grada Zenica na 20. sjednici održanoj dana 30. 6. 2026. godine, donosi

ODLUKU

o proglašenju javnog interesa za Projekat izgradnje kompleksa Nacionalnog stadiona sa pratećim sadržajima na lokalitetu stadiona "Bilino polje"

Član 1.

(Predmet odluke)

Ovom odlukom utvrđuje se da je projekat izgradnje kompleksa Nacionalnog stadiona sa pratećim sportskim, poslovnim, administrativnim, ugostiteljskim, komercijalnim, servisnim, saobraćajnim, infrastrukturnim i drugim kompatibilnim sadržajima na lokalitetu postojećeg stadiona Bilino polje u Zenici od javnog interesa i posebnog značaja za Grad Zenicu.

Član 2.

(Javni interes)

Gradsko vijeće Grada Zenica utvrđuje da realizacija projekta iz čl. 1. ove Odluke predstavlja projekat od općeg i javnog interesa zbog njegovog značaja za:

- unapređenje i razvoj sportske infrastrukture od lokalnog, kantonalnog, federalnog i državnog značaja;
- stvaranje uslova za održavanje međunarodnih sportskih takmičenja;
- razvoj sporta;

- unapređenje turističke ponude i promociju Grada Zenice;
- razvoj privrede, poduzetništva i novih investicija;
- stvaranje novih radnih mjesta;
- unapređenje urbanog razvoja i komunalne infrastrukture;
- ostvarivanje javnog interesa građana Grada Zenica i Bosne i Hercegovine;
- izgradnju sportske infrastrukture od posebnog značaja za Bosnu i Hercegovinu, imajući u vidu da lokalitet "Bilino polje" decenijama predstavlja tradicionalni domaći teren A reprezentacije Bosne i Hercegovine i mjesto održavanja utakmica pod okriljem UEFA i FIFA;
- jačanje međunarodnog ugleda Grada Zenica kao centra vrhunskog sporta i domaćina najznačajnijih događaja od interesa za Bosnu i Hercegovinu.

Član 3.

(Svrha proglašenja javnog interesa)

Proglašenje javnog interesa i posebnog značaja za projekat iz čl. 1. Odluke vrši se radi stvaranja pravnih, urbanističko-planskih, imovinsko-pravnih i drugih pretpostavki neophodnih za pripremu i realizaciju projekta, uključujući a ne ograničavajući se na:

- pribavljanje potrebnih urbanističkih saglasnosti, odobrenja za građenje i drugih potrebnih akata;
- provođenje postupaka u slučajevima nepostojanja detaljnog planskog dokumenta, odnosno regulacionog plana;
- pokretanje i provođenje postupka usklađivanja prostorno-planske dokumentacije;
- rješavanje imovinsko-pravnih odnosa;

- zaključivanje sporazuma s investitorima, sportskim savezima, javnim organima viših nivoa i drugim subjektima;
- poduzimanje svih drugih mjera potrebnih za realizaciju projekta.

Član 4.

(Strateški značaj projekta)

Gradsko vijeće Grada Zenica konstatuje da projekat izgradnje kompleksa Nacionalnog stadiona predstavlja projekat od strateškog značaja za Grad Zenicu i Bosnu i Hercegovinu, s obzirom na njegovu namjenu za održavanje međunarodnih sportskih takmičenja, aktivnosti nacionalnih sportskih saveza i drugih manifestacija od javnog interesa.

Član 5.

(Učešće Grada Zenica u projektu)

Gradsko vijeće potvrđuje spremnost Grada Zenica da, u okviru svojih nadležnosti i zakonskih mogućnosti, učestvuje u realizaciji projekta.

Naknade po osnovu uređenja gradskog građevinskog zemljišta, rente, kao i eventualne naknade za korištenje ili zakup javnih površina, zemljišta ili druge gradske imovine koje su neposredno vezane za izgradnju objekta Nacionalnog stadiona, smatraju se učešćem i doprinosom Grada Zenica realizaciji projekta Nacionalnog stadiona.

Način obračuna, oslobođanja, umanjenja ili evidentiranja navedenih naknada regulisat će se u postupku izdavanja potrebnih saglasnosti i dozvola posebnim aktima Gradonačelnika i nadležnih gradskih službi u okviru njihovih nadležnosti, u skladu sa zakonom.

Član 6.

(Ovlaštenje Gradonačelnika)

Ovlašćuje se i zadužuje Gradonačelnik Grada Zenica da, u ime Grada Zenica, poduzima sve potrebne pravne, upravne, tehničke i druge radnje i mjere u procedurama pripreme i realizacije projekta Nacionalnog stadiona u skladu sa zakonom i Statutom Grada Zenica.

Ovlaštenje iz stava 1. ovog člana uključuje, ali se ne ograničava na:

- pokretanje i vođenje odgovarajućih postupaka pred nadležnim organima;
- podnošenje zahtjeva, inicijativa i prijedloga;

- zaključivanje i potpisivanje memoranduma, sporazuma, ugovora, aneksa ugovora i drugih pravnih akata;
- vođenje pregovora sa domaćim i međunarodnim sportskim savezima i drugim subjektima;
- poduzimanje potrebnih aktivnosti na rješavanju imovinsko-pravnih odnosa;
- poduzimanje svih drugih radnji potrebnih za realizaciju projekta.

Član 7.

(Zaduženje gradskih službi)

Zadužuju se nadležne službe Grada Zenica, javna preduzeća i ustanove čiji je osnivač Grad Zenica da, svako u okviru svojih nadležnosti, pruže stručnu, tehničku, administrativnu i drugu podršku realizaciji projekta iz ove Odluke, te da prioritetno postupaju po zahtjevima koji se odnose na realizaciju projekta.

Član 8.

(Saradnja s drugim subjektima)

Grad Zenica će, radi uspješne realizacije projekta, ostvarivati saradnju sa nadležnim organima Bosne i Hercegovine, Federacije Bosne i Hercegovine, Zeničko-dobojskog kantona, sportskim savezima, investitorima, međunarodnim organizacijama i drugim pravnim i fizičkim licima.

Član 9.

(Stupanje na snagu)

Ova Odluka stupa na snagu danom donošenja, a objavit će se u "Službenim novinama Grada Zenica".

Broj: 01-45-12892/26
Zenica, 30. 6. 2026. godine

PREDSJEDAVAJUĆA
GRADSKOG VIJEĆA
Snježana Vrhovac, s.r.

114.

Na osnovu člana 42. stav (1) tačka b) i stav (3) Zakona o pravobranilaštvu ("Službene novine Zeničko-dobojskog kantona", broj: 12/13), u vezi sa članom 16. stav (1) tačka b) i stav (4) Odluke o osnivanju Gradskog pravobranilaštva Zenica (Novi prečišćeni tekst) ("Sl. novine Grada Zenica", br. 10/21), člana 21. tačka 18. Statuta Grada Zenica ("Sl. novine Grada Zenica", broj 5/15) i člana 45. Poslovnika Gradskog vijeća ("Službene novine Grada Zenica", broj 4/17, 4/20 i 10/21), Gradsko vijeće Zenica na svojoj 20. sjednici održanoj 30. 6. 2026. godine donosi

RJEŠENJE**o utvrđivanju prestanka mandata Gradskog pravobranioca**

1. **UTVRĐUJE SE** da je Zlatku Osmanoviću, Gradskom pravobraniocu u Gradskom pravobranilaštvu Zenica, prestao mandat po sili zakona zaključno sa danom 25. 6. 2026. godine, zbog navršenja starosne dobi za obavezan odlazak u penziju.

2. Ovo rješenje je konačno i stupa na snagu danom donošenja, a objavit će se u "Službenim novinama Grada Zenica".

Broj: 01-45-12917/26
Zenica, 30. 6. 2026. godine

PREDSJEDAVAJUĆA
GRADSKOG VIJEĆA
Snježana Vrhovac, s.r.

115.

Na osnovu člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), u vezi sa članom 33. Zakona o pravobranilaštvu ("Službene novine Zeničko-dobojskog kantona", broj: 12/13), člana 11. Odluke o osnivanju Gradskog pravobranilaštva Zenica (Novi prečišćeni tekst) ("Sl. novine Grada Zenica", br. 10/21) i člana 21. tačka 18. Statuta Grada Zenica ("Službene novine Grada Zenica", broj 5/15), Gradsko vijeće Zenica na 20. sjednici održanoj dana 30. 6. 2026. godine donijelo je

RJEŠENJE**o imenovanju Gradskog pravobranioca u Gradskom pravobranilaštvu Zenica****I**

ARMELA BEGANOVIĆ, VSS, diplomirani pravnik s položenim pravosudnim ispitom, imenuje se za Gradskog pravobranioca u Gradskom pravobranilaštvu Zenica na mandatni period od četiri godine.

II

Ovo rješenje stupa na snagu danom donošenja i objavit će se u Službenim novinama Grada Zenica.

Broj: 01-45-12915/26
Zenica, 30. 6. 2026. godine

PREDSJEDAVAJUĆA
GRADSKOG VIJEĆA
Snježana Vrhovac, s.r.

116.

Na osnovu člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), a u vezi sa članom 64. stav (8) Zakona o zdravstvenoj zaštiti ("Službene novine Federacije BiH", br. 46/10 i 75/13) i člana 21. tačka 18) Statuta Grada Zenica ("Službene novine Grada Zenica", broj 5/15), Gradsko vijeće Zenica, na 20. sjednici održanoj 30. 6. 2026. godine, donijelo je

RJEŠENJE**o imenovanju Upravnog odbora Javne ustanove Apoteka "Zdravlje" Zenica na kraći period****I**

U Upravni odbor Javne ustanove Apoteka "Zdravlje" Zenica imenuju se:

- Alan Handžić, diplomirani medicinska sestra/tehničar, član, predstavnik Ministarstva zdravstva ZDK, predsjednik,
- Jasna Polić, magistar farmacije, predstavnik stručnih radnika Ustanove, članica,
- Alisa Porča, diplomirani pravnik, predstavnik osnivača, članica.

II

Članovi Upravnog odbora iz tačke I ovog rješenja imenuju se na kraći period, najduže na period do tri mjeseca.

III

Ovo rješenje stupa na snagu danom donošenja, a objavit će se u „Službenim novinama Grada Zenica“.

Broj: 01-45-12907/26

Zenica, 30. 6. 2026. godine

**PREDSJEDAVAJUĆA
GRADSKOG VIJEĆA**
Snježana Vrhovac, s.r.

117.

Na osnovu člana 363. st. 1. Zakona o stvarnim pravima Federacije Bosne i Hercegovine («Sl.novine FBiH» br. 66/13 i 100/13), člana 3. i 5. Pravilnika o postupku javnog konkursa za raspolaganje nekretninama u vlasništvu Federacije Bosne i Hercegovine, kantona, općina i gradova («Sl.novine FBiH», br. 17/14) i člana 21. stav 7. Statuta Grada Zenice («Sl. novine Grada Zenice» br. 5/15), Gradsko Vijeće Grada Zenice na 20. sjednici održanoj 30.06.2026. godine, d o n o s i

ODLUKU**o načinu i uslovima prodaje građevinskog zemljišta putem licitacije****Član 1.**

Pod uslovima i na način regulisan ovom Odlukom sprovest će se Javnim konkursom – licitacijom (u daljem tekstu: licitacija) javna prodaja građevinskog zemljišta katastarski označeno kao k.č. 290/561 k.o. Zenica I koje se nalazi u Radnoj zoni Zenica I u svrhu izgradnje plinske kogeneracijske elektrane.

Navedena parcela je upisana kao posjed Grada Zenica sa 1/1 dijela i uknjižena kao vlasništvo Grada Zenica sa 1/1 dijela.

Član 2.

Početna prodajna cijena nekretnine označene u čl. 1. ove Odluke iznosi 500,00 KM/m². Naknadu po osnovu prirodne pogodnosti građevinskog zemljišta (renta) i naknadu za uređenje građevinskog zemljišta kupac plaća u postupku izdavanja građevinske dozvole prema važećim propisima na dan donošenja rješenja o naknadama.

Član 3.

Za učešće u postupku licitacije učesnici su dužni

uplatiti kaparu u iznosu od 10% od početne cijene nekretnine iz čl. 1. ove Odluke prije početka licitacionog postupka na račun Grada Zenice i to br. 141-355-53200161-07, vrsta prihoda 811111, šifra Općine 103, budžetska organizacija 0000000 otvoren kod BBI Sarajevo, ali ne više od 50.000,00 KM.

Uz prijavu na licitaciju učesnik je dužan priložiti dokaz o uplati kapare.

Ukoliko učesnik licitacije čija ponuda bude izabrana kao najpovoljnija (kupac), odustane iz bilo kog razloga od ponude i od zaključenja ugovora, gubi pravo na povrat uplaćene kapare.

Učesniku licitacije koji ne bude izabran kao najpovoljniji izvršit će se povrat uplaćene kapare u roku od 3 dana od dana dostavljanja obavijesti o nazivu banke i broju računa na koji sredstva uplaćena na ime kapare trebaju biti vraćena, po odbitku troškova administrativne obrade od 05%.

Obavijest se dostavlja Službi za finansije Grada Zenica.

Pravne i fizičke osobe koje nisu položile određenu kaparu ne učestvuju u licitaciji.

Učesniku koji uspije na licitaciji odnosno kupi licitiranu nekretninu, kapara se uračunava u kupoprodajnu cijenu.

Član 4.

Kupoprodajnu cijenu kupac je dužan uplatiti u roku koji bude utvrđen kupoprodajnim ugovorom, a najkasnije u roku od 15 dana od dana potpisivanja ugovora na račun Grada Zenice i to br. 141-355-53200161-07, vrsta prihoda 811111, šifra Općine 103, budžetska organizacija 0000000 otvoren kod BBI Sarajevo.

Član 5.

Predaja nekretnine u posjed kupcu izvršit će se nakon isplate cjelokupnog iznosa kupoprodajne cijene.

Član 6.

Postupak licitacije nekretnina označenih u čl. 1. ove Odluke provest će Komisija za sprovođenje Javnog konkursa-licitacije za prodaju nekretnine u skladu sa Pravilnikom o postupku javnog konkursa za raspolaganje nekretninama u vlasništvu Federacije BiH, kantona, općina i gradova («Sl.novine FBiH» br. 17/14) imenovana od strane Gradskog vijeća.

Član 7.

Ovlašćuje se Gradonačelnik Grada Zenice da objavi Javni oglas o prodaji nekretnine označenih u čl. 1. ove Odluke u jednom dnevnom listu koji se izdaje u Federaciji BiH, na oglasnoj tabli i na internet stranici Grada Zenice.

Član 8.

Ovlašćuje se Gradonačelnik Grada Zenice da po okončanju licitacionog postupka sa najpovoljnijim ponuđačem zaključi notarski obrađen ugovor o kupoprodaji nekretnine označene u čl. 1. ove Odluke, po prethodno pribavljenom mišljenju Gradskog pravobranilaštva.

Član 9.

Kupac je u obavezi da plinsku kogeneracijsku elektranu izgradi najkasnije u roku od tri godine dana, računajući od dana pravosnažnosti Rješenja o odobrenju građenja.

Zahtjev za pribavljanje urbanističke saglasnosti za izgradnju objekta iz stava 1. ovog člana dužan je podnijeti najkasnije u roku od 60 dana od dana zaključenja kupoprodajnog ugovora predmetne parcele.

Prekoračenje rokova iz člana 9. ove Odluke može biti razlog raskida ugovora.

Član 10.

Grad Zenica zadržava pravo preče kupovine zemljišta iz člana 1. ove Odluke po istoj prodajnoj cijeni postignutoj u postupku licitacije, bez obaveze da kupcu nadoknadi troškove plaćenog poreza i troškove nastale u postupku zaključenja ugovora.

Član 11.

Ukoliko kupac prije završetka izgradnje objekta u koju svhu je izvršena prodaja gradskog građevinskog zemljišta, iz bilo kojeg razloga stupi u situaciju u kojoj je potrebno izvršiti prodaju tog zemljišta, Grad Zenica će osnovom prava preče kupovine, pored prodajne cijene zemljišta postignute u postupku licitacije biti u obavezi kupcu izmiriti vrijednost ugrađenog građevinskog materijala.

Član 12.

Hipotekarno opterećenje parcele gradskog građevinskog zemljišta nakon zaključenja ugovora o kupoprodaji, a prije završetka izgradnje i uplanjenja izgrađenog objekta, moguće je samo uz prethodnu saglasnost Gradskog vijeća Grada Zenica.

Član 13.

Posebne obaveze i ograničenja kupca iz članova 9., 10., 11. i 12. ove Odluke, će biti predmet notarski obrađenog ugovora i isto će se zabilježiti kao teret u C listu zemljišno-knjižnog uloška u korist prodavca Grada Zenica.

Član 14.

Troškove notarske obrade ugovora o kupoprodaji, porez na promet nekretnine, takse za uknjižbu i sve ostale troškove koji se odnose na postupak kupoprodaje snosi kupac.

Član 15.

Ova Odluka stupa na snagu danom donošenja.

Broj: 01-45-12902/26
Zenica, 30.06.2026. godine

PREDSJEDAVAJUĆA
GRADSKOG VIJEĆA
Snježana Vrhovac, s.r.

GRADONAČELNIK**118.**

Na osnovu člana 59. Zakona o budžetima u FBiH ("Službene novine FBiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22 i 7/25), člana 34. Statuta Grada Zenica ("Službene novine Grada Zenica", broj 5/15), člana 25. Odluke o izvršavanju Budžeta Grada Zenica za 2026. godinu ("Službene novine Grada Zenica", broj 1/26) i Uputstva Grada Zenica o preraspodjeli odobrenih budžetskih sredstava, broj: 02-11-22295/20 od 09.11.2020. godine, na prijedlog Službe za kulturu, sport i društvene djelatnosti Gradonačelnik Zenice donosi

ZAKLJUČAK**o preraspodjeli sredstava u Budžetu Grada Zenica za 2026. godinu****I**

Odobrava se preraspodjela sredstava Budžeta Grada Zenica za 2026. godinu ("Službene novine Grada Zenica", broj 1/26) na organizacionom kodu 72010001 – Služba za kulturu, sport i društvene djelatnosti.

II

Preraspodjela sredstava iz tačke I vrši se na sljedeći način:

U dijelu B - 2 POSEBAN DIO - RASHODI I IZDACI PO BUDŽETSKIM KORISNICIMA:**Umanjuje se:**

- ekonomski kod 821200, funkcija 0819, budžetska pozicija 334- "Izgradnja zatvorenog olimpijskog bazena i aquaparka" za iznos od 400.000,00 KM

Povećava se:

- ekonomski kod 821200, funkcija 0761, budžetska pozicija 327 - "Izgradnja zdravstvenih objekata" u iznosu od 400.000,00 KM.

U dijelu B - 6 KAPITALNI BUDŽET:**Umanjuje se:**

- u grupi projekata "sport, rekreacija i kultura", projekat - "Izgradnja zatvorenog olimpijskog bazena i aquaparka", u koloni broj 1 - "SREDSTVA Grada (Fond 01)" za iznos od 400.000,00 KM.

Formira se novi projekat:

- u grupi projekata "Zdravstvo", projekat "Izgradnja zdravstvenih objekata", u koloni broj 1 - "SREDSTVA Grada (Fond 01)" u iznosu od 400.000,00 KM.
- Nakon preraspodjele sredstava, KAPITALNI BUDŽET UKUPNO iznosi 65.495.930,58 KM.

III

Za realizaciju ovog Zaključka zadužuju se Služba za kulturu, sport i društvene djelatnosti i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-131110/26
Zenica, 07.07.2026.godine

GRADONAČELNIK
Fuad Kasumović, s.r.

119.

Na osnovu člana 60. i 61. Zakona o budžetima u FBiH ("Službene novine FBiH" broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), člana 34. Statuta Grada Zenica ("Službene novine Grada Zenica" broj 5/15) i člana 23. Odluke o izvršavanju Budžeta Grada Zenica za 2026. godinu ("Službene novine Grada Zenica" broj 1/26), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2026. godinu Udruženju "Dlan" Zenica, u iznosu od 8.500,00 KM, u svrhu finansijske pomoći za rad Servisnog centra.

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2026. godinu, a u svrhu obezbjeđenja neplaniranih sredstava na organizacionom kodu 72010001 - Službe za kulturu, sport i društvene djelatnosti, ekonomski kod 614300 - tekući transferi neprofitnim organizacijama, funkcija 1091.

III

Za realizaciju ovog Zaključka zadužuje se Služba za kulturu, sport i društvene djelatnosti i Služba za finansije, koja će navedena sredstva uplatiti na račun Udruženja "Dlan" Zenica, broj: 161-055-00230400-54, otvoren kod Raiffeissen Bank d.d.

IV

O utrošku sredstava korisnik je dužan podnijeti izvještaj Službi za kulturu, sport i društvene djelatnosti.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-12146/26
Zenica, 23.06.2026. godine

GRADONAČELNIK
Fuad Kasumović, s.r.

120.

Na osnovu člana 60. i 61. Zakona o budžetima u FBiH ("Službene novine FBiH" broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), člana 34. Statuta Grada Zenica ("Službene novine Grada Zenica" broj 5/15) i člana 23. Odluke o izvršavanju Budžeta Grada Zenica za 2026. godinu ("Službene novine Grada Zenica" broj 1/26), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2026. godinu Islamskoj zajednici u BiH, Medžlisu Islamske zajednice Zenica, u iznosu od 10.000,00 KM, u svrhu finansijske pomoći za nabavku novih čilima za džamiju u džematu "Gnjusi".

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2026. godinu, a u svrhu obezbjeđenja neplaniranih sredstava na organizacionom kodu 72010001 - Službe za kulturu, sport i društvene djelatnosti, ekonomski kod 615300 – kapitalni transferi neprofitnim organizacijama, funkcija 0861.

III

Za realizaciju ovog Zaključka zadužuje se Služba za kulturu, sport i društvene djelatnosti i Služba za finansije, koja će navedena sredstva uplatiti na račun Islamske zajednice u BiH, Medžlis Islamske zajednice Zenica, broj: 134-010-00001154-53, otvoren kod ASA banke d.d. Sarajevo, sa naznakom "za džemat Gnjusi".

IV

O utrošku sredstava korisnik je dužan podnijeti izvještaj Službi za kulturu, sport i društvene djelatnosti.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-11930/26
Zenica, 23.06.2026. godine

GRADONAČELNIK
Fuad Kasumović, s.r.

121.

Na osnovu člana 60. i 61. Zakona o budžetima u FBiH ("Službene novine FBiH" broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), člana 34. Statuta Grada Zenica ("Službene novine Grada Zenica" broj 5/15) i člana 23. Odluke o izvršavanju Budžeta Grada Zenica za 2026. godinu ("Službene novine Grada Zenica" broj 1/26), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2026. godinu Islamskoj zajednici u BiH, Medžlisu Islamske zajednice Zenica, u iznosu od 14.000,00 KM, u svrhu finansijske pomoći za nabavku i ugradnju toplotne pumpe u džematu "Vrselje".

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2026. godinu, a u svrhu obezbjeđenja neplaniranih sredstava na organizacionom kodu 72010001 - Službe za kulturu, sport i društvene djelatnosti, ekonomski kod 615300 - kapitalni transferi neprofitnim organizacijama, funkcija 0861.

III

Za realizaciju ovog Zaključka zadužuje se Služba za kulturu, sport i društvene djelatnosti i Služba za finansije, koja će navedena sredstva uplatiti na račun Islamske zajednice u BiH, Medžlis Islamske zajednice Zenica, broj: 134-010-00001154-53, otvoren kod ASA banke d.d. Sarajevo, sa naznakom "za džemat Vrselje".

IV

O utrošku sredstava korisnik je dužan podnijeti izvještaj Službi za kulturu, sport i društvene djelatnosti.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-11937/26
Zenica, 23.06.2026. godine

GRADONAČELNIK
Fuad Kasumović, s.r.

122.

Na osnovu člana 60. i 61. Zakona o budžetima u FBiH ("Službene novine FBiH" broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), člana 34. Statuta Grada Zenica ("Službene novine Grada Zenica" broj 5/15) i člana 23. Odluke o izvršavanju Budžeta Grada Zenica za 2026. godinu ("Službene novine Grada Zenica" broj 1/26), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2026. godinu Islamskoj zajednici u BiH, Medžlisu Islamske zajednice Zenica, u iznosu od 11.000,00 KM, u svrhu finansijske pomoći za nabavku i ugradnju toplotne pumpe u džematu "Radinovići".

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2026. godinu, a u svrhu obezbjeđenja neplaniranih sredstava na organizacionom kodu 72010001 - Službe za kulturu, sport i društvene djelatnosti, ekonomski kod 615300 - kapitalni transferi neprofitnim organizacijama, funkcija 0861.

III

Za realizaciju ovog Zaključka zadužuje se Služba za kulturu, sport i društvene djelatnosti i Služba za finansije, koja će navedena sredstva uplatiti na račun Islamske zajednice u BiH, Medžlis Islamske zajednice Zenica, broj: 134-010-00001154-53, otvoren kod ASA banke d.d. Sarajevo, sa naznakom "za džemat Radinovići".

IV

O utrošku sredstava korisnik je dužan podnijeti izvještaj Službi za kulturu, sport i društvene djelatnosti.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-11932/26
Zenica, 23.06.2026. godine

GRADONAČELNIK
Fuad Kasumović, s.r.

123.

Na osnovu člana 60. i 61. Zakona o budžetima u FBiH ("Službene novine FBiH" broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), člana 34. Statuta Grada Zenica ("Službene novine Grada Zenica" broj 5/15) i člana 23. Odluke o izvršavanju Budžeta Grada Zenica za 2026. godinu ("Službene novine Grada Zenica" broj 1/26), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2026. godinu Islamskoj zajednici u BiH, Medžlisu Islamske zajednice Zenica, u iznosu od 13.000,00 KM, u svrhu finansijske pomoći za nabavku i ugradnju toplotne pumpe u džematu "Lašva".

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2026. godinu, a u svrhu obezbjeđenja neplaniranih sredstava na organizacionom kodu 72010001 - Službe za kulturu, sport i društvene djelatnosti, ekonomski kod 615300 - kapitalni transferi neprofitnim organizacijama, funkcija 0861.

III

Za realizaciju ovog Zaključka zadužuje se Služba za kulturu, sport i društvene djelatnosti i Služba za finansije, koja će navedena sredstva uplatiti na račun Islamske zajednice u BiH, Medžlis Islamske zajednice Zenica, broj: 134-010-00001154-53, otvoren kod ASA banke d.d. Sarajevo, sa naznakom "za džemat Lašva".

IV

O utrošku sredstava korisnik je dužan podnijeti izvještaj Službi za kulturu, sport i društvene djelatnosti.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-11931/26
Zenica, 23.06.2026. godine

GRADONAČELNIK
Fuad Kasumović, s.r.

124.

Na osnovu člana 60. i 61. Zakona o budžetima u FBiH ("Službene novine FBiH" broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), člana 34. Statuta Grada Zenica ("Službene novine Grada Zenica" broj 5/15) i člana 23. Odluke o izvršavanju Budžeta Grada Zenica za 2026. godinu ("Službene novine Grada Zenica" broj 1/26), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2026. godinu Islamskoj zajednici u BiH, Medžlisi Islamske zajednice Zenica, u iznosu od 14.000,00 KM, u svrhu finansijske pomoći za nabavku i ugradnju toplotne pumpe u džematu "Mošćanica".

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2026. godinu, a u svrhu obezbjeđenja neplaniranih sredstava na organizacionom kodu 72010001 - Službe za kulturu, sport i društvene djelatnosti, ekonomski kod 615300 - kapitalni transferi neprofitnim organizacijama, funkcija 0861.

III

Za realizaciju ovog Zaključka zadužuje se Služba za kulturu, sport i društvene djelatnosti i Služba za finansije, koja će navedena sredstva uplatiti na račun Islamske zajednice u BiH, Medžlis Islamske zajednice Zenica, broj: 134-010-00001154-53, otvoren kod ASA banke d.d. Sarajevo, sa naznakom "za džemat Mošćanica".

IV

O utrošku sredstava korisnik je dužan podnijeti izvještaj Službi za kulturu, sport i društvene djelatnosti.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-11-11939/26
Zenica, 23.06.2026. godine

GRADONAČELNIK
Fuad Kasumović, s.r.

125.

Na osnovu člana 60. i 61. Zakona o budžetima u FBiH ("Službene novine FBiH" broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), člana 34. Statuta Grada Zenica ("Službene novine Grada Zenica" broj 5/15) i člana 23. Odluke o izvršavanju Budžeta Grada Zenica za 2026. godinu ("Službene novine Grada Zenica" broj 1/26), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2026. godinu Mjesnoj zajednici "Dobriljeno" Zenica, u iznosu od 15.000,00 KM, u svrhu finansijske pomoći za realizaciju radova na unapređenju sistema vodosnabdijevanja.

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2026. godinu, a u svrhu obezbjeđenja neplaniranih sredstava na organizacionom kodu 61010001 - Službe za vodoprivredu, cestovnu infrastrukturu i kapitalne investicije, ekonomski kod 615300 - kapitalni transferi neprofitnim organizacijama, funkcija 0633.

III

Za realizaciju ovog Zaključka zadužuje se Služba za vodoprivredu, cestovnu infrastrukturu i kapitalne investicije i Služba za finansije, koja će navedena sredstva uplatiti Mjesnoj zajednici "Dobriljeno" putem računa Udruženja građana "Omladina" Dobriljeno, broj: 141-355-53200564-59, otvoren kod Bosna bank international d.d.

IV

O utrošku sredstava korisnik je dužan podnijeti izvještaj Službi za vodoprivredu, cestovnu infrastrukturu i kapitalne investicije.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-45-10233/26
Zenica, 24.06.2026. godine

GRADONAČELNIK
Fuad Kasumović, s.r.

126.

Na osnovu člana 60. i 61. Zakona o budžetima u FBiH ("Službene novine FBiH" broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22, 7/25 i 6/26), člana 34. Statuta Grada Zenica ("Službene novine Grada Zenica" broj 5/15) i člana 23. Odluke o izvršavanju Budžeta Grada Zenica za 2026. godinu ("Službene novine Grada Zenica" broj 1/26), Gradonačelnik Zenice donosi

ZAKLJUČAK**o odobravanju izdvajanja sredstava iz tekuće budžetske rezerve****I**

Odobrava se izdvajanje novčanih sredstava iz Budžeta Grada Zenica za 2026. godinu Mjesnoj zajednici "Raspotočje" Zenica, u iznosu od 10.000,00 KM, u svrhu finansijske pomoći za sanaciju puta na lokalitetu Janjički vrh.

II

Sredstva iz tačke I izdvajaju se iz "Tekuće budžetske rezerve" Budžeta Grada Zenica za 2026. godinu, a u svrhu obezbjeđenja neplaniranih sredstava na organizacionom kodu 61010001 - Službe za vodoprivredu, cestovnu infrastrukturu i kapitalne investicije, ekonomski kod 614300 - tekući transferi neprofitnim organizacijama, funkcija 0461.

III

Za realizaciju ovog Zaključka zadužuje se Služba za vodoprivredu, cestovnu infrastrukturu i kapitalne investicije i Služba za finansije, koja će navedena sredstva uplatiti Mjesnoj zajednici "Raspotočje" putem računa Udruženja žena "Zlatnik", broj: 186-161-03112836-62, otvoren kod ZiraatBank BH.

IV

O utrošku sredstava korisnik je dužan podnijeti izvještaj Službi za vodoprivredu, cestovnu infrastrukturu i kapitalne investicije.

V

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-45-10004/26
Zenica, 03.07.2026. godine

GRADONAČELNIK
Fuad Kasumović, s.r.

127.

Na osnovu člana 34. Statuta Grada Zenica ("Službene novine Grada Zenica", broj 5/15), člana 19. Odluke o izvršavanju Budžeta Grada Zenica za 2026. godinu ("Službene novine Grada Zenica", broj 1/26) i Ugovora o dodjeli finansijskih sredstava u sklopu Projekta "Izgradnja poduzetničkih zona", broj 02-45-8323/26 od 23.04.2026. godine, na prijedlog Službe za finansije i Službe za razvoj, Gradonačelnik Zenice donosi

ZAKLJUČAK**o uvećanju sredstava u Budžetu Grada Zenica za 2026. godinu****I**

Odobrava se uvećanje sredstava u Budžetu Grada Zenica za 2026. godinu ("Službene novine Grada Zenica", broj 1/26) u iznosu od 250.000,00 KM na organizacionom kodu 71010001 – Služba za razvoj.

II

Uvećanje sredstava u Budžetu Grada Zenica za 2026. godinu iz tačke I vrši se na sljedeći način:

- a) u dijelu A - 2 PRIHODI I PRIMICI:
 - formira se nova budžetska pozicija 84A - "Kapitalni transferi od Federacije za projekat izgradnja saobraćajnice br. 5 Faza II", ekonomski kod 742112, u iznosu od 250.000,00 KM.

Nakon uvećanja UKUPNO PRIHODI I PRIMICI BUDŽETA iznose 143.940.582,74 KM, a UKUPNO PRIHODI I PRIMICI BUDŽETA SA AKUMULISANIM SUFICITOM iznose 155.003.027,69 KM.

- b) u dijelu B - 2 POSEBAN DIO - RASHODI I IZDACI PO BUDŽETSKIM KORISNICIMA:
 - na organizacionom kodu 71010001 – Služba za razvoj, formira se nova budžetska pozicija 280A - "Izgradnja i rekonstrukcija saobraćajnice br. 5 u Poslovnoj zoni Zenica 1 Faza II - Federacija", ekonomski kod 821600, funkcija 0628, u iznosu od 250.000,00 KM.

Nakon uvećanja UKUPNO RASHODI I IZDACI BUDŽETA iznose 143.940.582,74 KM, a UKUPNO RASHODI I IZDACI BUDŽETA SA RASPOREDOM AKUMULISANOG SUFICITA iznose 155.003.027,69 KM.

c) u dijelu B - 6 KAPITALNI BUDŽET:

Povećava se:

- formira se nova grupa projekata "Izgradnja infrastrukture u Poslovnoj zoni Zenica 1"
- u novoj grupi projekata "Izgradnja infrastrukture u Poslovnoj zoni Zenica 1" formira se novi projekat 1 - "Izgradnja i rekonstrukcija saobraćajnice br. 5 u Poslovnoj zoni Zenica 1 Faza II", u koloni broj 6 - "SREDSTVA DOZNAČENA OD FBiH (FOND 03)" u iznosu od 250.000,00 KM.

Nakon uvećanja sredstava, KAPITALNI BUDŽET UKUPNO iznosi 65.745.930,58 KM.

III

Za realizaciju ovog Zaključka zadužuju se Služba za razvoj i Služba za finansije.

IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-45-13541/26

Zenica, 14.07.2026. godine.

GRADONAČELNIK

Fuad Kasumović, s.r.

GRADSKA BIBLIOTEKA ZENICA**128.**

Na osnovu člana 29. Uredbe sa zakonskom snagom o ustanovama ("Službeni list R BiH", br. 6/92, 8/93 i 13/94), člana 10. Zakona o bibliotečkoj djelatnosti („Službene novine Zeničko-dobojskog kantona“ broj: 8/99), člana 43. Pravila Gradske biblioteke Zenica (br. 27/18 od 22.01.2018. godine, 187/18 od 25.04.2018. godine, 247/21 od 18.05.2021. godine, 397/22 od 23.09.2022. godine, 252/25-1 od 07.05.2025. godine i 157/26 od 03.04.2026. godine), člana 2. Poslovnika o radu Upravnog odbora Gradske biblioteke Zenica (broj: 235/18 od 20.04.2018. godine) i uz saglasnost Gradonačelnika Grada Zenica broj: 02-45-12507/26 od 25.06.2026. godine, Upravni odbor na 9. sjednici, održanoj 01.07.2026. godine, d o n o s i

O D L U K U

**o imenovanju direktora Gradske biblioteke
Zenica**

Član 1.

Nermin Ormanović, doktor književnohistorijskih nauka - književnosti naroda Bosne i Hercegovine, imenuje se za direktora Gradske biblioteke, na mandatni period od četiri godine.

Član 2.

Imenovani direktor će dužnost direktora obavljati počev od dana 07.07.2026. godine pa do isteka mandatnog perioda, odnosno do njegovog razrješenja.

Član 3.

Sa imenovanim direktorom će se zaključiti Ugovor o radu na određeno vrijeme.

Član 4.

Ova odluka stupa na snagu danom donošenja i bit će objavljena u "Službenim novinama Grada Zenica".

Broj: 364/26

Datum: 01.07.2026. godine

Predsjednica Upravnog odbora

Naila Muratović Šogolj, s.r.

129.

Na osnovu člana 31. stav (3) Uredbe sa zakonskom snagom o ustanovama ("Službeni list R BiH", br. 6/92, 8/93 i 13/94), člana 47. stav (2) Pravila Gradske biblioteke Zenica (br. 27/18 od 22.01.2018. godine, 187/18 od 25.04.2018. godine, 247/21 od 18.05.2021. godine, 397/22 od 23.09.2022. godine, 252/25-1 od 07.05.2025. godine i 157/26 od 03.04.2026. godine) i člana 2. Poslovnika o radu Upravnog odbora Gradske biblioteke Zenica (broj: 235/18 od 20.04.2018. godine), Upravni odbor na 9. sjednici, održanoj 01.07.2026. godine, d o n o s i

O D L U K U

**o prestanku dužnosti vršioca dužnosti
direktora Gradske biblioteke Zenica**

Član 1.

Belmi Avdić - Jusić prestaje dužnost vršioca dužnosti direktora Gradske biblioteke Zenica radi imenovanja direktora Gradske biblioteke Zenica.

Član 2.

Imenovanoj prestaje dužnost vršioca dužnosti direktora Gradske biblioteke Zenica zaključno sa danom 06.07.2026. godine, nakon čega nastavlja radni odnos na radnom mjestu rukovodioca Službe za rad s korisnicima bibliotečkih usluga i Zavičajne zbirke.

Član 3.

Ova odluka stupa na snagu danom donošenja i bit će objavljena u "Službenim novinama Grada Zenica".

Broj: 365/26

Datum: 01.07.2026. godine

Predsjednica Upravnog odbora
Naila Muratović Šogolj, s.r.

MINISTARSTVO ZDRAVSTVA ZDK

130.

Na osnovu člana 2. stav 1. Pravilnika o načinu pregleda umrlih, te utvrđivanja vremena i uzroka smrti („Službene novine FBiH“, broj: 79/13 i 9/14), člana 3. Odluke o utvrđivanju organizacije i rada mrtvozorničke službe kojom se osigurava pregled, utvrđivanje vremena i uzroka smrti osoba umrlih izvan zdravstvene ustanove na području Zeničko-dobojskog kantona („Službene novine Zeničko-dobojskog kantona“, broj: 8/18 i 4/19) i člana 200. Zakona o upravnom postupku („Službene novine FBiH“, broj 2/98, 48/99 i 61/22), postupajući po prijedlogu JU "Dom zdravlja" Zenica, Ministarstvo zdravstva Zeničko-dobojskog kantona d o n o s i

R J E Š E N J E**o izmjeni i dopuni rješenja o imenovanju mrtvozornika****I**

Dopunjava se tačka 1. dispozitiva rješenja Ministarstva zdravstva Zeničko-dobojskog kantona broj: 11-33-4650/23 od 13.04.2023. godine, na način da se iza rednog broja 4. dodaje redni broj 5. koji glasi: „dr Jamal Mughrabi“.

II

Mandat imenovanog mrtvozornika iz tačke I ovog rješenja traje do isteka mandata mrtvozornika imenovanih rješenjem Ministarstva zdravstva broj: 11-33-4650/23 od 13.04.2023. godine.

III

Ovo rješenje čini sastavni dio rješenja Ministarstva zdravstva broj: 11-33-4650/23 od 13.04.2023. godine.

IV

Ovo rješenje stupa na snagu danom donošenja i objavit će se u „Službenim novinama Grada Zenica“.

O b r a z l o ž e n j e

JU "Dom zdravlja" Zenica dostavila je Ministarstvu zdravstva prijedlog broj: OU-01.1-99-64249/26 od 08.06.2026. godine, kojim je predloženo imenovanje dr Mughrabi Jamala za mrtvozornika. Uz prijedlog i izvršenu dopunu dokumentacije u toku postupka od 12.06.2026. godine, priložena je sljedeća dokumentacija: diploma broj: 01-03-967/90 od 05.06.1990. godine, izdata od Medicinskog fakulteta u Tuzli, Univerzitet u Tuzli, uvjerenje o položenom stručnom ispitu broj: 06-34-732/08 od 29.02.2008. godine, izdato od Federalnog ministarstva zdravstva, licenca za samostalan rad broj: F04R10873 od 26.03.2021. godine, izdata od Ljekarske komore Zeničko-dobojskog kantona, uvjerenje broj: 10-13-1-22992/2026 od 08.05.2026. godine, izdato od Grada Zenica i uvjerenje o uspješno završenoj edukaciji iz mrtvozorništva broj: 083 od 16.02.2021. godine, izdato od Instituta za zdravlje i sigurnost hrane Zenica, svi dokumenti izdati na ime Jamal Mughrabi.

Članom 4. stav 2. Odluke o utvrđivanju organizacije i rada mrtvozorničke službe kojom se osigurava pregled, utvrđivanje vremena i uzroka smrti osoba umrlih izvan zdravstvene ustanove na području Zeničko-dobojskog kantona („Službene novine Zeničko-dobojskog kantona“, broj: 8/18 i 4/19), (u daljem tekstu: Odluka), propisano je da mrtvozornik može biti doktor medicine, koji ispunjava opće uvjete za samostalno obavljanje liječničke djelatnosti i to: diploma jednog od medicinskih fakulteta u Bosni i Hercegovini ili nostrificirana diploma inozemnog medicinskog fakulteta, u skladu sa propisima o visokom obrazovanju, položen stručni ispit, licenca izdata od nadležne ljekarske komore i državljanstvo Bosne i Hercegovine.

Članom 4. stav 3. Odluke, propisano je da pored općih uvjeta mrtvozornik mora ispunjavati i poseban uvjet i to: dokaz o završenoj edukaciji koja se odnosi na mrtvozorstvo.

U provedenom postupku izvršen je uvid u spis Ministarstva zdravstva broj: 11-33-4650/23, prijedlog JU "Dom zdravlja" Zenica broj: OU-01.1-99-64249/26 od 08.06.2026. godine i priloženu dokumentaciju.

Uvidom u rješenje broj: 11-33-4650/23 od 13.04.2023. godine, izdato od Ministarstva zdravstva Zeničko-dobojskog kantona utvrđeno je da su imenovani mrtvozornici za obavljanje pregleda umrlih, te utvrđivanje vremena i uzroka smrti osoba umrlih izvan zdravstvene ustanove na području Grada Zenica, na period od 4 (četiri) godine, počev od 24.03.2023. godine.

Uvidom u diplomu broj: 01-03-967/90 od 05.06.1990. godine, izdatu od Medicinskog fakulteta u Tuzli, Univerzitet u Tuzli, uvjerenje o položenom stručnom ispitu broj: 06-34-732/08 od 29.02.2008. godine, izdato od Federalnog ministarstva zdravstva, licencu za samostalan rad broj: F04R10873 od 26.03.2021. godine, izdatu od Ljekarske komore Zeničko-dobojskog kantona i uvjerenje broj: 10-13-1-22992/2026 od 08.05.2026. godine, izdato od Grada Zenica, na nesporen način je utvrđeno da dr Jamal Mughrabi ispunjava opće uvjete za imenovanje mrtvozornika koji su propisani članom 4. stav 2. Odluke.

Uvidom u uvjerenje o uspješno završenoj edukaciji iz mrtvozornništva broj: 083 od 16.02.2021. godine, izdato od Instituta za zdravlje i sigurnost hrane Zenica, na nesporen način je utvrđeno da predloženi mrtvozornik dr Jamal Mughrabi ima završenu edukaciju iz mrtvozornništva, čime je ispunjen poseban uvjet za imenovanje koji je propisan članom 4. stav 3. Odluke.

Imajući u vidu navedeno u skladu sa članom 3. stav 1. i 2. i članom 4. stav 2. i 3. Odluke, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja može se izjaviti žalba Federalnom ministarstvu zdravstva u roku od 15 dana od dana prijema rješenja. Žalba se podnosi u dva primjerka, putem Ministarstva zdravstva Zeničko-dobojskog kantona, usmeno na zapisnik ili pismeno.

Broj: 11-33-4650-4/23
Zenica, 18.06.2026. godine

Po ovlaštenju Ministrice zdravstva
dr Aide Salčinović
SEKRETAR
Indira Krujeziu, dipl. pravnica, s.r.

Bilješke

Bilješke

S A D R Ź A J

GRADSKO VIJEĆE

113. Odluka o proglašenju javnog interesa za Projekat izgradnje kompleksa Nacionalnog stadiona sa pratećim sadržajima na lokalitetu stadiona "Bilino polje" 1
114. Rješenje o utvrđivanju prestanka mandata Gradskog pravobranioca 3
115. Rješenje o imenovanju Gradskog pravobranioca u Gradskom pravobranilaštvu Zenica 3
116. Rješenje o imenovanju Upravnog odbora Javne ustanove Apoteka "Zdravlje" Zenica na kraći period 3
117. Odluka o načinu i uslovima prodaje građevinskog zemljišta putem licitacije 4

GRADONAČELNIK

118. Zaključak o preraspodjeli sredstava u Budžetu Grada Zenica za 2026. godinu 5
119. Zaključak o odobravanju izdvajanja sredstava iz tekuće budžetske rezerve 6
120. Zaključak o odobravanju izdvajanja sredstava iz tekuće budžetske rezerve 7
121. Zaključak o odobravanju izdvajanja sredstava iz tekuće budžetske rezerve 7
122. Zaključak o odobravanju izdvajanja sredstava iz tekuće budžetske rezerve 8
123. Zaključak o odobravanju izdvajanja sredstava iz tekuće budžetske rezerve 8
124. Zaključak o odobravanju izdvajanja sredstava iz tekuće budžetske rezerve 9
125. Zaključak o odobravanju izdvajanja sredstava iz tekuće budžetske rezerve 9
126. Zaključak o odobravanju izdvajanja sredstava iz tekuće budžetske rezerve 10
127. Zaključak o uvećanju sredstava u Budžetu Grada Zenica za 2026. godinu 10

GRADSKA BIBLIOTEKA ZENICA

128. Odluka o imenovanju direktora Gradske biblioteke Zenica 11
129. Odluka o prestanku dužnosti višioca dužnosti direktora Gradske biblioteke Zenica 11

MINISTARSTVO ZDRAVSTVA ZDK

130. Rješenje o izmjeni i dopuni rješenja o imenovanju mrtvozornika 12